



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Praxis Episcopalis

In Qva Episcoporum Non Tantvm, Eorumqve Vicariorum munus; sed  
Parochorum etiam & conscientiarum directorium concernentium casuum  
ac dubiorum indies occurrentium Resolvtiones ... quàm brevissimè  
continentur

**Zerola, Tommaso**

**Coloniae Agrippinae, 1680**

Sodomia.

**urn:nbn:de:hbz:466:1-10447**

dico, quòd valet propter indemnita-  
tem rationis: si urges non licere fieri  
extenſionem de caſu ad caſum in pœ-  
nalibus: dico quòd ſic, quando militat  
eadem ratio: prout dixi in *ver. extenſio*,  
hoc eſt verum ſolum in concuſſu paro-  
chialium, prout *ſupra*, §. 3. oppoſitis  
non obſtantibus. dico quinto, ſi ſimo-  
nia eſt in ordine, nec poteſt Episcopuſ  
abſolvere ſimoniacum, tam ſi ignoran-  
ter, quàm ſi ſcienter eam incurrerit,  
modo caſus ſit occultus ex doctrina e-  
juſdem ſac. Conc. dico ſextò, ſi verò  
caſus eſt publicus, putà, quia ſcitur  
ſaltem à ſex perſonis, prout dictum eſt  
in *ver. excommun. de cau. form. §. tertium*  
*dubium, ver. quintum*: tunc Papa abſol-  
vit, quia eſt Papalis excommunicatio,  
prout in *Extrav. Paul. II. que incipit, De-*  
*teſtabile, in tit. de ſimon.* Navar. *cap. 23.*  
*not. 4. cum ſeq. & c. 25. num. 6. notab. 3.*  
& dixi in *ver. dimiſſaria*, §. 7. & quia ſac.  
Conc. ſolum concedit Episcopuſ abſo-  
lutionem caſuum Papalium occulto-  
rum, ac diſpenſationem irregularitatis  
occultæ (excepta ea, quæ ex homicidio  
voluntario.)

Decimoſextò, quòd remedium ſi-  
moniaco? Reſpondetur, ſi eſt in bene-  
ficio ignoranter, & occultè, prout di-  
ctum eſt ſuperiùs, adeat Episcopuſ,  
qui eum poteſt abſolvere, & cum eo  
diſpenſare, abſolvere dico, quatenus  
indiget, quia ſtante ignorantia, non  
incurrit, ut patet: dico diſpenſare, ut  
poſſit retinere beneficium; & quamvis  
multi Doctores dicant, quòd Episco-  
puſ poſſit cum eo diſpenſare, ut poſſit  
retinere idem beneficium, ſed non ean-

dem dignitatem, ſed ego non curo de  
hac diſtinctione, cum ignorantia pro-  
babilis excuſet ſi ſcienter adeat Papam  
cum doctrina, & practica, Rebuff. in  
*tit. quot modis beneficia acquir. num. 9.* ſi  
in ordine, dic ſimiliter, prout *ſupra*:  
nam ſimoniacus in ordine eſt ipſo jure  
ſuſpenſus, & excommunicatus, in be-  
neficio verò, ſolum ipſo jure ſuſpen-  
ſus, Sylve. in *ver. ſimonia*, §. 19. Navar.  
*c. 23. in ult. & patet ex dictis*,

## SODOMIA.

**P**rimò, nimium nefandum crimen  
eſt mixti fori, & ſi quis ob id fuerit  
punitus à iudice eccleſiaſtico, poteſt  
etiam à ſeculari iudice puniri, Navar.  
*conf. 1. de iudic.* huius nefandi criminis  
pœnas præterea, quæ ſunt de utroque  
jure, vide Bull. Pii V. *que eſt §. & incipit,*  
*Cum primum*, & Bull. 70. *que incipit,*  
*Horrendum*, & Leo X. Bull. 11. *que inci-*  
*pit, Suprema*, ubi omni privilegio cleri-  
cali, officio, dignitate, & beneficio ec-  
cleſiaſtico eſt ipſo jure privatus, exer-  
cens tale facinus, vide Navar. *c. 27. à*  
*nu. 248.* & eſt cauſa ſeparationis inter  
conjuges, Covar. *de ſponſ. 2. par. c. 7. §. 5.*  
*nu. 7.* & impedit ordinis executionem,  
Staph. *f. 140. nu. 5.*

Secundò, privatur ipſo jure bene-  
ficio, quia eſt graviffimum crimen, *c.*  
*mulier. 1 §. 9. l. c. per odia.* & quæ allegat  
Rebuff. *de mod. amit. benef. nu. 30.* quòd  
tamen limita, & intellige juxta notata  
per Navar. in *manu. c. 27. n. 249.* ubi re-  
fert partem Bullæ Pii V. per quam pri-  
vat ipſo jure omni privilegio, officio,  
dignitate & beneficio eccleſiaſtico, &  
quòd

quod degradatus per iudicem ecclesiasticum, tradatur Curie seculari, vide Diaz in *pract. crim. canon. c. 20. c. clerici, de excess. pralat. c. flagitia, 32. qu. 7.*

## SUSPENSIO.

**P**rimò, quia interdum quis suspenditur ab officio, aliquando à divinis, quæritur, quid intelligitur per suspensionem ab officio, & quid à divinis? Respondetur, quoad primum, quod suspensio ab officio includit suspensionem ab omnibus actibus peculiaribus ordinum, & jurisdictionis, unde non potest sic suspensus exercere actum aliquem ordinis, nec jurisdictionem, vel prædicare, vel legere: suspensus verò à divinis includit solum actus peculiare ordinum, & sic prædicando, legendo, exercendo jurisdictionem, non incurrit irregularitatem, sicut in primo casu, ubi exercendo actus convenientes ordini solum, fit irregularis, Cov. in *c. alma mater, 2. parte, §. 2. num. 4. c. responso, de sent. excom. Nav. consi. 58. 60. & 63. de sent. excom. Sylvest. in ver. suspensio, §. 5. ver. si verò, Diaz. *pract. crim. canon. c. 122.* & Covar. in *c. alma mater, 2. p. §. 2. loc. cit. suspensus à beneficio quid importet, vide in 3. p. eod. ver. suspensus simpliciter quid importet, vide ibidem, ubi importat suspensionem ordinum, Genin. in *c. 1. §. eos, notab. 3. de temp. ord. lib. 3.***

Secundò, si quis incidit in irregularitatem, & postea dispensetur secum per Datarium, tamen imposita ei suspensione magna ab ordinum executione, an Episcopus possit eum absol-

vere à dicta magna & longa suspensione. Navar. *consi. 16. nu. 2. de temp. ord.* dicit quod non, ego verò dicerem, quod sic, stante causa, prout dixi in *ver. Penitentia*, quia magis & minus non variant speciem.

## SPONSUS.

**S**I duo contrahunt matrimonium per verba de presenti, & ante copulam alter illorum ingrediatur monasterium, seu religionem, altero invito, quantum temporis tenetur ipsum expectare, remanens in sæculo? Respondetur in *cap. ex publico de convers. conjug. per duos menses, vel alias arbitrarium, cap. commissum, de sponsal. Extravag. anti. concertat. Jo. 22:* tamen de jure novissimo sac. Conc. Trid. *sess. 25. cap. 15. de refor. reg.* debet expectare usque ad professionem expressam, quæ fit elapso anno integro, Navar. *consi. 1. de convers. conjug.* & ita practicavi Surrenti, quamvis elapso anno uxor exiverit à monasterio, & vir etiam à sua religione, & sic in sæculo permanserunt usque ad mortem, de anno 1584. & ratio est, quia si remanens in sæculo expectatis duobus mensibus, vel antequam alter ingressus religionem profiteatur expressè nubat secundo, si ille exierit à religione, quid? ergo expectare potest professionem expressam.

## SPOLIUM.

**Q**uia subcollectores, seu Commissarii spoliatorum solent aliquando ponere manus in ea, quæ de jure non sub-